

O Filifiliga mo le Faavavau, Vaega 2



Lua: la iloa le upumoni e uiga i mea ua ofoina atu e le Atua le Tama ma Lona Alo o Iesu Keriso ia te oe.

I se faapuupuuga, ua La ofoina atu ia te oe mea uma!

O le fuafuaga a le Tama Faalelagi mo Ana fanau ua faatagaina ai i tatou ia ola i le nofoaga ma le auala o loo la soifua ai ma ia avea atili e faapei o la. O Lana fuafuaga ua avanoa moni ai mo i tatou ia faamanuiaga silisili o le faavavau, e aofia ai le gafatia mo i tatou e avea ai ma 'suli faatasi ma Keriso [Roma 8:17].

Ua silafia e le Atua mea uma ma silasila i mea uma. I le faavavau atoa, e leai se tasi o le a sili atu ona iloaina oe pe popole ia te oe nai lo la. E leai se tasi o le a sili ona latalata ia te oe nai lo la. E mafai ona sasaa atu lou loto ia te la ma faatuatuaina o la e auina mai le Agaga Paia ma agelu e tausii oe. Na ia faaalia Lona alofa silisili ina ua la auina mai Lona Alo e Toatasi na Fanaua e maliu mo oe—e avea ma ou Faaola ma Togiola!

E ala i Lana Togiola, na manumalo ai le Alii o Iesu Keriso i le lalolagi [tagai loane 16:33; Mataupu Faavae ma Feagaiga 50:41]. O le mea lea, o la o lē ua “malosi e . . . faamama [outou] mai i amioletonu uma.” [Alema 7:14]. O le a la laveaiina outou mai i o outou tulaga sili ona pagatia i Lana lava ala ma le taimi. Pe a outou o mai ia te la i le faatuatua, o le a la taiala, faasaoina, ma puipua outou. O le a la faamaloloina lou loto mo ma faamafanafanaina oe i ou mafatiaga [tagai i le Luka 4:18; Alema 7:10–12]. O le a la tuu atu ia te oe le avanoa e maua ai Lona mana. Ma o le a la faia mea faigata i lou olaga e avea ma mea faigofie. . . .

Ua i ai i le Atua se alofa faapitoa mo tagata taitoatasi e osia se feagaiga ma la i vai o le papatisoga. Ma o lena alofa paia e faalolotoina a o osia isi feagaiga faapoopo ma tausii ma le faamaoni. Ona oo lea i le iuga o le olaga faaletino, e maeu le toefaatasia o fanau taitasi o le feagaiga ma lo tatou Tama Faalelagi [tagai i le Salamo 116:15].

E popole *tele* foi o la ia maua e Ana fanau uma se avanoa e faalogo ai i tala fiafia o le talalelei toefuataiina. Ua auina mai e le Tama Faalelagi Ana fanau i le lalolagi mo le silia ma le ono afe tausaga. O le toatele o nei tagata e lei mauaina lava sauniga e agavaa ai i latou mo le ola e faavavau. O le mea lena e taua tele ai malumalu. O le mafuaaga lena ua avea ai le faapotopotoina o Isaraelu i itu uma e lua o le veli, *o le galuega* aupito maoae i le lalolagi i aso nei. O outou, au uo pele i lenei galuega paia, ua i ai se matafaioi taua i lenei faapotopotoina, ma ou te faafetai atu ia te outou mo lena mea. (Russell M. Nelson, “Filifiliga mo le Faavavau” [faigalotu i le lalolagi atoa mo le autalavou matutua, 15 Me, 2022], broadcasts. ChurchofJesusChrist.org)